

Radiokkut tv-kkullu aallakaatitsisarneq pillugu Inatsisartut peqqussutaata allanngortinnissaa pillugu Inatsisartut peqqussutissaattut siunnersuut

(Kultureqarnermut, Ilinniartitaanermit, Ilisimatusarnermit Ilageeqarnermullu Naalakkersuisoq)

Saqqummiussissut**Siullermeerneqarnera**

Matumuuna Naalakkersuisut sinnerlugit radiokkut tv-kkullu aallakaatitsisarneq pillugu Inatsisartut peqqussutaata allanngortinnissaa pillugu Inatsisartut peqqussutissaattut siunnersuut saqqummiuppaa.

Ukioq 2010-imut aningaasanut inatsisissap akuersissutigineqarneranut atatillugu 2010-ip ingerlanerani Radioqarnermut tv-qarnermullu ataatsimiititaliamut aningaasaliissutaasartut peeriartuaarnissaannik aalajangiisimanerup kingunerisaanik siunnersuut saqqummiunneqarpoq. Aningaasanut inatsisissamiit ataatsimiititaliap suliaasaqarfiinut ukiup pineqartup affaanut siullermit 150.000 kr. aningaasaliissutigineqarput, taamaalilluni aningaasaliissutit 2010-ip ukiuata sinnerani piivissorneqassalutik.

Aningaasanut inatsisissap imaa naapertorlugu maannakkut radiokkut- tv-kkullu aallakaatitsisarneq pillugu inatsisartut peqqussutaanni atuutsinneqartumi aalajangersakkat siunnersuutikkut atorunnaarsinniarneqarput, Radioqarnermut- tv-qarnermullu ataatsimiititaliap sulinerani tunaartarineqartut, taamaalilluni ataatsimiititaliap inatsisitigut tunngavii aningaasaliissutaasartut nunguppata atorunnaarsinneqarlutik. Taamaaliornikkut radiomut- tv-mullu aningaasaliisarnermut inatsisip naapertuutumik malinneqarnissaa qulakkeerneqassaaq.

Naggasiullugu ilisimatitsissutigisinnaavara, Inatsisileriffiup aamma Inatsisartut Inatsisileriffiata Inatsimmut oqaaseqaatai siunnersuummut ilanngunneqarmata, aammalu inatsisissatut siunnersuummut nalinginnaasumik oqaaseqaasiarineqartut innersuussutigalugit.

Taamatut oqaaseqarlunga siunnersuut Inatsisartunut ilassilluaqqullugu suliarisassanngortippara.